

Ժողովուրդ

13 հունվարի ուրբաթ 2023
տպագրության ժԲ տարի

4
(2670)

Է. Երեւան, Արմավյան 22ա/3 (0010) + 374 10 546423 info.armlur@gmail.com, info.zhoghovurd@gmail.com

100 դրամ

ՓԱՇԻՆՅԱՆԻ ԹԻՄԱԿԻՑՆԵՐԸ ԽԱՔԵԼ ԵՆ. ՄԱՍ 4



Հայաստանի առաջին արբանյակը Երկիր մուդրակի ուղեծիր դուրս բերվեց 2022-ի մայիսի 25-ին: Շուտով պարզ դարձավ, որ արբանյակի շահագործման համար անհրաժեշտ է Հայաստանում արբանյակի կառավարման կենտրոն ստեղծել. այդ մասին հայտնեց վարչապետ Նիկոլ Փաշինյանը արբանյակի արձակման հաջորդ օրը եւ կենտրոնի կառուցման վերջնաժամկետ նշեց 2023թ.-ի վերջը: Այնուհետեւ Բարձր տեխնոլոգիական արդյունաբերության փոխնախարար Ավետ Պողոսյանը հոկտեմբերի 25-ի Ազգային ժողովի նիստում, պատասխանելով պատգամավորի՝ կառավարման կենտրոնի ստեղծման մասին հարցին, վստահեցրեց, որ այն պատրաստ կլինի մինչեւ 2022-ի տարեվերջ: Մեկ ամիս անց՝ նոյեմբերի 18-ին, արդեն ԲՏԱ նախարար Ռոբերտ Խաչատրյանը հայտնեց, որ արբանյակի թեստավորումներն ավարտվել են, այն պատրաստ է շահագործման, իսկ կառավարման կենտրոնը շուտով կբացվի: Մինչեւ տարեվերջ նման կենտրոն այդպես էլ չբացվեց: Վերջերս «Սիվիլնեթ»-ը հարցում էր ուղարկել ԲՏԱ նախարարություն եւ հստակ ժամկետներ խնդրել: ԲՏԱ նախարարությունից պարզաբանել են, որ բացման կոնկրետ ժամկետ հայտնի չէ, եւ կենտրոնը նախատեսվում է գործարկել 2023թ.-ի ընթացքում: Նախարարությունից նաեւ հստակեցրել են, որ Հայաստանում ընդունիչ կայանը դեռեւս չի ստեղծվել: Նկատենք, որ արբանյակի գործարկման օրվանից տարատեսակ ոչ միանշանակ կարծիքներ ու պնդումներ են հնչում արբանյակի պատկանելության, հնարավորությունների եւ նպատակահարմարության մասին, եւ, ամենակարեւորը, ինչպես նշել էր ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ Թագուհի Թովմասյանը, Արթրեջանի սեպտեմբերյան ագրեսիայի որեւէ նկարահանում չի արվել կամ չի հրապարակվել ամենագոր արբանյակի կողմից: Եթե պատերազմի հանցանքներն էլ մենք չենք կարողանում ապացուցել արբանյակից արված կադրերով, ի՞նչ իմաստ ունի ընդհանրապես դրա գոյությունը:

Ազգային ժողովի խորհուրդն այսօր նիստ է հրավիրելու, որի ընթացքում էլ անհարգելի բացակաների թիվը գերազանցած պատգամավորների մասով որոշում կկայացվի: «Ժողովուրդ» օրաթերթի տեղեկություններով՝ թիրախում ՀՀԳՄ անդամ Իշխան Սաղաթեյանն է: Թեեւ բացակաների թիվը գերազանցած պատգամավորները 22-ն են, բոլորն էլ՝ «Հայաստան» խմբակցությունից, բայց տեղեկացանք, որ Սաղաթեյանի բացակայություններն ավելի շատ են, եւ իշխանությունը մտադիր է ՄԴ դիմել միայն Իշխան Սաղաթեյանի մասով՝ միջնորդելով զրկել նրան մանդատից: Այս առիթով մեկնաբանություն խնդրեցինք ԱԺ նախագահի մամուլի խոսնակ Ծովինար Խաչատրյանից, որն ասաց. «Այդ մասով ոչինչ չեմ կարող ասել, վաղը խորհրդի նիստն է որոշելու»: Նկատենք, որ «Հայաստան» խմբակցության պատգամավորներ Իշխան Սաղաթեյանը եւ Սեյրան Օհանյանը արդեն տեւական ժամանակ է իշխանությունների ուշադրության կենտրոնում են, ամեն կերպ փորձում են դաշտից հեռացնել ընդդիմադիր երկու պատգամավորներին: Ընդդիմադիրները, նշենք, վաղվա խորհրդի նիստին չեն մասնակցի:



ՀՀ կրթության, գիտության, մշակույթի ու սպորտի նախարարությունը հերթական անգամ անհարմար իրավիճակում է հայտնվել: Դեկտեմբերի 16-ին Գեղարվեստի պետական ակադեմիայում ԿԳՄՍ նախարարի տեղակալ Արայիկ Խզմալյանի նախագահությամբ տեղի ունեցած հոգաբարձուների խորհրդի նիստում ղեկավարի պաշտոնում է վերընտրվել Արամ Իսաբեկյանը: «Ժողովուրդ» օրաթերթի տեղեկություններով՝ Իսաբեկյանը միաձայն է ընտրվել, նրա թեկնածությանը հոգաբարձուների խորհրդի որեւէ անդամ չի առարկել, ինչը, սակայն, խիստ մտահոգիչ ու տարօրինակ է, քանի որ, ըստ պահանջի, Իսաբեկյանն այդ պաշտոնում առաջադրվել է, եւ ուր մնաց ընտրվել չէր կարող, եւ, հետեւաբար, հանձնաժողովականների, այդ թվում՝ փոխնախարար Խզմալյանի մոտ հարցեր չառաջանալն առնվազն տաօրինակ է: Բանն այն է, որ 2021 հուլիսի 29-ի ՀՀ կառավարության 1248-Ն որոշման համաձայն՝ «ղեկավարի պաշտոնում կարող է ընտրվել ՀՀ այն գործունակ չափահաս քաղաքացին, որն ունի գիտական աստիճան եւ առնվազն 5 տարվա ակադեմիական եւ գիտական գործունեության ստաժ»: Թեեւ անվանի նկարիչ Իսաբեկյանը տարիների փորձ, վաստակ ու գիտական կոչում ունի, բայց պահանջվող գիտական աստիճան (գիտությունների թեկնածու կամ դոկտոր) չունի, հետեւաբար ղեկավար ընտրվել չէր կարող: Ի՞նչ է ստացվում. ԿԳՄՍ բարձրաստիճան պաշտոնյայի հովանու ներքո կրթական հաստատությունում ապօրինի, պաշտոնական կեղծիքով ընտրություն է տեղի ունեցել: Հարցի մասով ԿԳՄՍ փոխնախարար Խզմալյանի տեսակետը լսել չհաջողվեց. նա մեր զանգերին չարձագանքեց, նախարարության լրատվական ծառայությունից էլ փոխանցեցին, որ հարցին միայն գրավոր հարցման դեպքում կպատասխանեն: Սա, թերեւս, նախարարության «թափանցիկ» աշխատելաճոհի մասին է վկայում: Ի դեպ, «Ժողովուրդ» օրաթերթը տեղեկացավ, որ կառավարության երեկվա նիստի օրակարգում նախապես ներառված է եղել Գեղարվեստի ակադեմիայի ղեկավարի ընտրության արդյունքները հաստատելու հարցը (16-րդ հարցն է եղել), բայց կարճ ժամանակ անց հանվել է օրակարգից: Հուսանք՝ ապօրինությունը չի հաստատվի:



Ուշագրավ տեղափոխություն եւ նշանակում՝ Գլխավոր դատախազությունում: ՀՀ գլխավոր դատախազի տեղակալ Արթուր Պողոսյանը ԱԱԾ-ից իր հավատարիմ գործընկերներին տեղափոխում է Գլխավոր դատախազություն: Նկատենք, որ վերջերս ԱԱԾ-ից դատախազություն տեղափոխված պաշտոնյան պատահական մարդ չէ: Այսպիսով, ՀԶԾ-ում (ներկայումս վերափոխված Հակակոռուպցիոն կոմիտեում) «Մարտի 1»-ի քրեական գործով, «Սանա Ճռերի» դեպքերով լրագրողներին հարցաքննած եւ քաղաքական իշխանության հրահանգով «Մարտի 1»-ի գործով «Ժողովուրդ» օրաթերթի լրագրողի հեռախոսային խոսակցությունները ապօրինի կերպով զաղտնալսած քննիչ Վազգեն Ավետիսյանն է տեղափոխվել, որը հեղափոխությունից հետո տեղափոխվել էր ԱԱԾ եւ նշանակվել ԱԱԾ քննչական դեպարտամենտի պետի տեղակալ: Ասել է թե՛ քաղաքական հրահանգներով առաջնորդվող պաշտոնյան հիմա էլ ԱԱԾ-ից դուրս կգործի՝ օգտվելով դատախազի վերահսկողական գործառնություններից: Նա կլինի ՀՀ գլխավոր դատախազության՝ պետական իշխանության դեմ ուղղված հանցագործությունների գործերով վարչության պետ:



ՀԱՍԱՐԱԿՈՒԹՅՈՒՆ

ՄԱՐԶ

ԳԵՌ ՀԵՌՈՒ ԵՆ 2015Թ.-Ի ՑՈՒՑԱՆԻՇԻՑ

Ի պատասխան լրագրողական հարցմանս՝ Տավուշի մարզպետարանից գրավոր հայտնել են, որ 2022թ. դեկտեմբերի 29-ի դրությամբ հիշյալ խոշորացված համայնքի բնակավայրերում կատարվել է 633,2 հեկտար ցորենի, 37,3 հեկտար՝ գարու, Նոյեմբերյան խոշորացված համայնքում՝ 981,2 հեկտար ցորենի, 354 հեկտար՝ գարու, Բերդ խոշորացված համայնքում՝ 1453,98 հեկտար ցորենի, 104,6 հեկտար՝ գարու ցանք:

ԳԱԶԱՏԱՐԸ ՆՈՐՈԳՈՒՄ ԵՆ

Դիլիջանի համայնքապետարանի ինտերնետային կայքը հայտնում է, որ հունվարի 10-ին՝ ժամը 12-ին, Դիլիջանի համայնքապետարանի նիստերի դահլիճում նշանակված էր «Գազարում Արմենիա» ՓԲԸ-ի կողմից ներկայացված «Ղազախ-Երեւան գիծ Ծպ-1000մ» մայրուղային գազատարի կապիտալ նորոգում՝ նախագծի՝ շրջակա միջավայրի ազդեցության նախնական գնահատման հայտի վերաբերյալ հանրային քննարկման 2-րդ փուլը:

ՈՍԿԱՆ ՍԱՐԳՅԱՆ Տավուշ

ԱՐՑԱՆԻ ԱԳՆ

ՄԻՋԱԶԳԱՅԻՆ ՀԱՆՐՈՒԹՅԱՆ ԱՆԳՈՐԾՈՒԹՅՈՒՆԵՆ ԱՆԸՆԴՈՒՆԵԼԻ Է

ԱՀ արտաքին գործերի նախարարությունը հայտարարություն է արձագանքել Արցախի Ադրբեջանի կողմից շարունակվող զրգափակման կաղակցությանը:

«Ադրբեջանի կողմից Արցախի Հանրապետության եւ նրա 120.000 բնակչության մեկ ամիս շարունակվող շրջափակումը 2020թ. 44-օրյա պատերազմից հետո ամենալայնածավալ հարձակումն է Արցախի ժողովրդի վրա:

2022թ. դեկտեմբերի 12-ին ադրբեջանական իշխանությունները, կոպտորեն խախտելով 2020թ. Նոյեմբերի 9-ի եռակողմ հայտարարության դրույթները, արգելափակել են Արցախը Հայաստանի եւ արտաքին աշխարհի հետ կապող Լաչինի միջանցքը: Արդյունքում հանրապետությունում օրեցօր սրվում է առաջին անհրաժեշտության ապրանքների, դեղորայքի, պարենի եւ վառելիքի պակասը: Շրջափակման կործանարար ազդեցությունը խորացնելու նպատակով Ադրբեջանը փակել էր իր կողմից օկուպացված տարածքներով Հայաստանից Արցախ հասնող գազի մատակարարումը:

Հետագայում գազամատակարարումը վերականգնվել է, սակայն 2023թ. հունվարի 9-ին դադարեցվել է Հայաստանից էլեկտրաէներգիայի մատակարարումը Գորիս-Ստեփանակերտ միակ բարձրավոլտ գծի վթարի պատճառով, որը եւս անցնում է Ադրբեջանի կողմից օկուպացված տարածքով: Մինչ այսօր Ադրբեջանը միտումնավոր խոչընդոտում է վթարավերականգնողական աշխատանքները, ինչը վկայում է նրա քայլերի կանխամտածվածության մասին: Այսպիսով, Ադրբեջանի գործողությունները 120.000 բնակչություն ունեցող Արցախը կանգնեցրել են հումա-կիտար աղետի շեմին: Արցախի շրջափակումը 2020թ. Թուրքիայի եւ Մերձավոր Արեւելքից ահաբեկչական կազմակերպությունների անմիջական մասնակցությամբ Ադրբեջանի կողմից Արցախի Հանրապետության եւ նրա ժողովրդի դեմ սանձազերծված ռազմական ագրեսիայի ուղղակի շարունակությունն է:

Չկարողանալով Արցախի ժողովրդին իր հայրենիքից վտարել ռազմական ճանապարհով՝ Ադրբեջանը գինադադարի հաստատումից ի վեր՝ ավելի քան երկու տարի, հետեւողական փորձեր է ձեռնարկում քիչ ակնհայտ, բայց ոչ պակաս անմարդկային մեթոդներով իր հանցավոր նպատակներին հասնելու համար: Ադրբեջանի ձեռ-



նարկած քայլերի ամբողջությունը եւ նրա բարձրագույն ղեկավարության՝ Բաքվի իրական մտադրությունները բացահայտող պաշտոնական հայտարարությունները վկայում են, որ Արցախի Հանրապետության շրջափակումը Ադրբեջանի քաղաքականության հերթական գործիքն է՝ ուղղված Արցախի ժողովրդի ոչնչացմանը: Միտումնավոր ստեղծելով անտանելի կենսապայմաններ՝ Ադրբեջանը նպատակ է հետապնդում խարխուլ Արցախի ժողովրդի ընդհանրությունն ու ամբողջությունը՝ պարտադրելով օտարացում իր պատմական հայրենիքից եւ հրաժարում սեփական հավաքական իրավունքների իրացումից:

համաձայն մարդու իրավունքների պաշտպանության եւ ցեղասպանության հանցագործության կանխարգելման նկատմամբ ունեցած համընդհանուր հանձնառության, ձեռնարկել բոլոր անհրաժեշտ միջոցները՝ անհապաղ կանխարգելելու ցեղասպան գործողությունները, որոնք Ադրբեջանը համակարգված կերպով իրականացնում է Արցախի ժողովրդի դեմ բացարձակ անպատժելիության մթնոլորտում: Միջազգային հանրությունն ունի անհրաժեշտ գործիքակազմը եւ իրավական բոլոր հիմքերը՝ միջամտելու Արցախում ստեղծված եւ օրեցօր վատթարացող իրավիճակին:

Վերահաս աղետի համատեքստում միջազգային հանրության անգործությունն անընդունելի է, այդ թվում՝ նաեւ այն պատճառով, որ դա Ադրբեջանի իշխանությունների կողմից դիտարկվում է որպես իրենց հանցավոր գործողությունների լուռ խրախուսում»:

ՌՈՒՍԱԿԱՆ ՅՅԼՅԱԸ

«ՌԻՄԿԻ ՏԱԿ Է ԴԻԵԼ ՀԱՅԿԱԿԱՆ ՊԵՏԱԿԱՆՈՒԹՅՈՒՆԸ»

Ռուսական ՅՅԼՅԱԸ դարբերական անդադարձել է ՀՀ վարչապետ Նիկոլ Փաշինյանի՝ օրեր առաջ ունեցած մամուլի ասուլիսին: «Փաշինյանը որոշել է ռիսկի սակ դնել հայկական դեմոկրատիայի վերստեղծմանը՝ կենսառոշմանը հրադարձելով մեջ հողվածագիրն առանձնացրել է լրացված իջնուցների համար հրավիրված ասուլիսի՝ Ռուսաստանին ու արածաբանին վերաբերող հասկանքները:

Այսպես, հողվածի առաջին պարբերությունում հեղինակն ասում է, որ Փաշինյանն ասուլիսի ընթացքում մի քանի սենսացիաներ արեց. նախ հայտարարեց, թե

հրաժարվում է ՀԱԿԿ գորավարությունները Հայաստանում անցկացնելուց, ապա հասկացրեց, որ Ղարաբաղում ռուս խաղաղապահների կարող են ՄԱԿ-ի գործերը փոխարինել:

Հողվածագիրը հաջորդիվ հարց է տալիս ու սկսում մանրամասնել, թե ինչու է հնարավոր, որ Փաշինյանի՝ Երեւանի ու Բաքվի կոնֆլիկտը Թուրքիայի կամ Արեւմտքի միջոցով լուծելու քաղաքականությունը հայոց պետականության կորստի հանգեցնի:

Ըստ հողվածագրի՝ Փաշինյանի խոսքերը երկու միտումների տրամաբանական հետեւանք են: «Դրանցից առաջինն Ադրբեջանի եւ Թուրքիայի՝ դարաբաղյան կարգավորման հիմքերը խարխուլելու համար

կարգային քաղաքականությունն է, ինչը թե՛ մարտավարական, թե՛ ռազմավարական չափումներ ունի: Մարտավարական առումով Ադրբեջանը, օգտագործելով Ռուսաստանի կենտրոնացումը ռազմական հատուկ գոտում (Ուկրաինայում՝ Ս.Վ.), փորձում է վերանայել դարաբաղյան վերջին պատերազմի՝ իր համար առանց այն էլ հաղթական արդյունքները, մասնավորապես՝ շրջափակելով խեղդել Լեռնային Ղարաբաղի՝ Մոսկվայի կողմից փրկված հատվածը ու այնտեղի հայերին հարկադրել լքել իրենց տները: Ըստ երեւույթին, Ադրբեջանը կարծում է, որ Մոսկվան չի միջամտի նման քաղաքականությանը», - գրում է ռուսական պարբերականը: Թարգմանեց՝ ՍԵՎԿԱ ՎԱՐԴՈՒՄՅԱՆԸ

● Անցած 1 օրվա ընթացքում Հայաստանի Հանրապետությունում արձանագրվել է 7 ՃՏՊ. 17 մարդ ստացել է տարբեր աստիճանի մարմնական վնասվածքներ:

ՇՐՋԱՓԱԿՈՒՄ

«ՀՈԳԵՊԵՍ ԴԱՏԱՐԿՈՒԹՅՈՒՆ ԶԳԱՅԻ», ԳԱՅԱՆԵ ՄԱՐԱԿՅԱՆ

Արցախում եւ Հայաստանում զարգացող իրադարձությունների շուրջ ArmLur.am-ի հեռ գրույցում իր մտազոյություններն է հայտնել քաղաքացիական պատերազմի հերոս Աղամ Մահակյանի մայրիկը՝ Գայանե Մահակյանը:

«Հոգեպես դատարկություն, վիրավորանք զգացի, երբ իմացա, որ ադրբեջանացիներն այս անգամ էլ ստորաբար փակել են Արցախ-Հայաստան կապող միակ ճանապարհը: Արդեն մեկ ամիս է, ինչ փակ է ճանապարհը, հետեւանքներն անկանխատեսելի կարող են լինել՝ չնայած այն հանգամանքին, որ ինձ նման բազմաթիվ ծնողներ ցանկանում են, որպեսզի շուտափույթ լուծում ստանա այս խնդիրը, քանի որ մեր հոգում կիսով չսփի դատարկություն է տիրում: Այնտեղ են նահատակվել մեր որդիները: Աղամը մինչ ծառայությունը երբեք Արցախում չէր եղել, բայց անսահման նվիրում էր սեր կար իր մեջ: Արցախը մեր երկրորդ հայրենիքն է, տունն է, Ջրականը, Աղդամը, որտեղ ծառայել եւ զոհվել է իմ որդին, մեր որդիները, եւ հիմա այդ տարածքները գտնվում են թշնամու ձեռքում, ինչը մեզ համար շատ ցավոտ է: Այն գիտակցումը, որ քո որդու արյունով պահված դիրքերն այլեւս մերը չեն, սարսափելի է»,- կշեց նա:



L. ԵՐԻԱԶՈՐՅԱՆ

Մեր գրուցակցի խոսքով՝ Արցախը Հայաստանի անվտանգային գոտին է: Սա իրական կյանք է, որտեղ սեւագիր չեն գրում:

«Մենք պետք է մեր բոլոր որոշումներում լինենք շատ լուրջ ու խոհեմ: Եթե իմ ձայնը կարող է հասնել միջազգային որդեկ առյուծի, ապա խնդրում եմ քայլեր ձեռնարկել գոնե այն մասնակցների համար, որոնք գտնվում են իրենց տնից հեռու»,- ընդգծեց տիկին Գայանեն:

Հիշեցնենք, որ ապրիլյան պատերազմի հերոս Աղամ Մահակյանը 2016թ.-ի ապրիլի 2-ին մարտական դիրքի վրա թշնամու հանկարծակի հարձակման ժամանակ ծավալված թեժ ու համառ մարտերում ծառայակիցների հետ պաշտպանել է Արցախի Ջաբրայիլի մարտական դիրքը: Աղամ Մահակյանը սահմանապահ գումարտակից էր, ապրիլի 1-ի առավոտյան բարձրացել էր դիրքեր. նույն օրվա գիշերը՝ ժամը 3:00-ի սահմաններում էլ տեղի է ունեցել հակառակորդի հարձակումը: Մերձանոց իր ծառայակից ընկերների հետ 5 ժամ շարունակ մարտնչել է թշնամու դեմ՝ հասցնելով նրան զգալի կորուստներ (200-ից ավելի սպանված հատուկշտապային): Աղամը ընկել է հերոսի մահով առավոտյան ժամը 8:00-ի սահմաններում մարմինն էլ դեմքին ստացած ծանր հրազենային վիրավորումներից: **ԼԻՊԱ ԵՐԻԱԶՈՐՅԱՆ**

ԼՈՒՐԵՐ

ԿԱՐԻԵՐԱՅԻ ԱՎԱՐՏԻ ՄԱՍԻՆ

Երգչուհի, հաղորդավարուհի Մարի Ավանեսյանն արդեն տեւական ժամանակ է, ինչ չի զբաղվում իր կարիերայով: Այս մասին Մարին խոսել է նաեւ «Ինստագրամ»-ի «Սթորի» բաժնում առկա հարց ու պատասխանի ժամանակ: Այն հարցին, թե արդյոք Մարին շարունակելու է երգչուհու կարիերան, թե ոչ, նա հստակ պատասխանել է. «Երգչուհու կարիերան՝ ոչ, բայց երբեմն կերգեմ»: Նշենք, որ Մարին արդեն երկար տախներ է, ինչ աշխատում է Հանրային հեռուստաընկերությունում: Երգչուհին ամուսնացել է 2021 թվականին: Զույգը պասկադրվել էր Օձունի վանական համալիրում: Մարի Ավանեսյանի ամենահայտնի երգերից է «Սեւ դառը սուրճ»-ը, որով մինչ այսօր հիշում են նրան որպես երգչուհի: **L. ԵՐԻԱԶՈՐՅԱՆ**



րակ, Տիգրան Մեծի 17-17/1: Հաճախորդները կապասարկվեն երկուշաբթի-ուրբաթ օրերին՝ ժամը 9.30-16.30-ը: Մասնաճյուղի վերաբացումը երկար սպասված իրադարձություն էր Աշտարակի բնակիչների համար: Մասնաճյուղը տրամադրում է ծառայությունների լայն շրջանակ ֆիզիկական եւ իրավաբանական անձանց. այստեղ կարող եք ավանդ բացել, օգտվել սպառողական կամ բիզնես վարկից, կատարել դրամական փոխանցում, ստանալ քարտ, ներդրումներ անել «Յունիբանկ»-ի բաժնետոմսերում եւ պարտատոմսերում: Մասնաճյուղի հարմար տեղը եւ հերթերի կառավարման էլեկտրոնային համակարգն օգնում են խնայել հաճախորդի ժամանակը: Նոր տարածքում տեղադրվել է նաեւ ինքնասպասարկման վճարային տերմինալ, որի միջոցով հաճախորդները կարող են համալրել հաշիվը, մարել վարկը, կատարել կոմունալ եւ այլ վճարումներ: «Յունիբանկ»-ի համար կարեւոր ուղղություն է մասնաճյուղային ցանցի զարգացումը եւ հաճախորդների սպասարկման կազմակերպումը տարբեր ուղղություններով: Բարելավվելով առցանց ծառայությունները եւ մոբայլ հավելվածը՝ միաժամանակ բանկն ընդլայնում է մասնաճյուղային ցանցը, քանի որ շատ հաճախորդներ դեռ նախապատվությունը տալիս են բանկ այցելելուն եւ մասնագետների հետ անձնական շփմանը:

«ՅՈՒՆԻԲԱՆԿ»-ԸՆՈՐ ՀԱՍՅԵՈՒՄ

«Յունիբանկ»-ի «Աշտարակ» մասնաճյուղը վերաբացվել է նոր հասցեում Աշտարակում:

ԼՈՒՐԵՐ

ՕՐԻՆԱԿԱՆ ԳՐԱՆՑՈՒՄ

ՀՀ վաստակավոր արտիստուհի, երգչուհի Նունե Եսայանն ու դերասան Ավրիլա Խաչատրյանը 16 տարի համատեղ ապրելուց հետո վերջապես որոշել են օրինական գրանցել իրենց ամուսնությունը: Զույգը երջանիկ օրվա հետ կապված լուսանկար է հրապարակել: Նշենք, որ Նունե Եսայանն ու Ավրիլա Խաչատրյանն ունեն երկու զավակ՝ Զենոն եւ Էլիզաբեթը:



L. ԵՐԻԱԶՈՐՅԱՆ

Tata Steel ՄՐՑԱՆԱՐ

Հայաստանի շախմատի հավաքականի նախկին անդամ Լեւոն Արոնյանը, որն այս պահին հանդես է գալիս ԱՄՆ-ի դրոշի ներքո, կմասնակցի Tata Steel մրցաշարին: Tata Steel Masters 2023-ին այս անգամ մասնակցում են 14 շախմատիստներ, որոնց թվում են աշխարհի գործող չեմպիոն Մագնուս Կարլսենը, Դին Լի-ժենը, Ֆաբիանու Կարուանան, Անիշ Գիրին, Ուեսլի Սոն եւ այլքո: Տարվա առաջին խոշորագույն մրցաշարը կմեկնարկի հունվարի 13-ին եւ կեզրափակվի հունվարի 29-ին: Այն բաղկացած է 13 տուրից: Tata Steel-ը շախմատային ամենահեղինակավոր մրցաշարերից մեկն է, որում ժամանակին հաղթել է նաեւ աշխարհի 9-րդ չեմպիոն Տիգրան Պետրոսյանը:

ՆԱԽՈՐԳ ՏԱՐՎԱ ԸՆՏՐԱՆԻ

Ֆուտբոլի պատմության ու վիճակագրության միջազգային ֆեդերացիան Ներկայացրել է 2022 թվականի աշխարհի հավաքականը: Նախորդ տարվա ընտրանին ունի հետեւյալ տեսքը՝
● դարպասապահ՝ Տիգրան Կուրտուան (Բելգիա, «Ռեալ»),
● պաշտպաններ՝ Աշոտի Հաջիմի (Մարոկկո, ՊՍՏ), Յոշիո Գվարդիոլ (Խորվաթիա, «Լայպցիգ»), Վիրջիլ Կան Դեյլ (Նիդերլանդներ, «Լիվերպոլ») եւ Ալֆոնսո Դելփիս (Կանադա, «Բավարիա»),
● կիսապաշտպաններ՝ Լուկա Մոդրիչ (Խորվաթիա, «Ռեալ»), Կեյն Դե Բրույնե (Բելգիա, «Մանչեսթեր Սիթի»), Լեո Մեսի (Արգենտինա, ՊՍՏ),
● հարձակվողներ՝ Էրլինգ Հալանդ (Նորվեգիա, «Մանչեսթեր Սիթի»), Քարիմ Բենզեմա (Ֆրանսիա, «Ռեալ») եւ Կիլիան Մբապե (Ֆրանսիա, ՊՍՏ): Ավելի վաղ IFFHS-ի վարկածով անցած տարվա լավագույն մարզիչը Լիոնել Սկալունին էր ճանաչվել, իսկ ֆուտբոլիստը՝ Լիոնել Մեսին:

● Հունվարի 17-ին Կոմիտասի անվան կամերային երաժշտության տանը տեղի կունենա «Երգեհոնային երաժշտության համերգ»: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



Էջը՝ ՌՈԶԱ ՊՈՂՈՍՅԱՆԻ

ԿԱՐԳ

ՀԱՐՑ. Բնօրինակ սիրի սուն-ինսերնաս ընդունվելու համար սոցիալական աջակցության սարածֆային մարմին ի՞նչ փաստաթղթեր ողեսֆ է ներկայացնի ֆաղաֆացին:

Սերինե Զայրապետյան (31 տարեկան)



ՊԱՏԱՍԽԱՆ.

Զամաձայն ԶԶ կառավարության 2015թ. սեպտեմբերի 25-ի N1112-Ն որոշման՝ փաստացի բնակության վայրի սոցիալական աջակցության տարածքային մարմին պետք է ներկայացնել՝ -անձնագիր կամ նույնականացման քարտ, -նույնականացման քարտ չունենալու դեպքում՝ բնակչության պետական ռեգիստր վարող մարմնի կողմից տեղեկանքի տեսքով հատկացված հանրային ծառայությունների համարանիշ կամ հանրային ծառայությունների համարանիշ չստանալու վերաբերյալ տեղեկանք, իսկ դրանց բացակայության դեպքում՝ սոցիալական քարտ կամ ԶԶ օրենսդրությամբ սահմանված կարգով տրամադրված սոցիալական քարտ չունենալու մասին տեղեկանք.

-խնամքի տրամադրում հայցող անձի՝ Զայաստանի Զանրապետությունում բնակության իրավունք (կացության կարգավիճակ) ունեցող օտարերկրյա քաղաքացի կամ քաղաքացիություն չունեցող անձ հանդիսանալու դեպքում Զայաստանի Զանրապետությունում բնակվելու իրավունքը հաստատող փաստաթուղթ (կացության քարտ), իսկ փախստականի կարգավիճակ ունենալու դեպքում՝ կոնվենցիոն ճամփորդական փաստաթուղթ,

-հաշմանդամության վերաբերյալ տեղեկանք՝ տրված բժշկասոցիալական փորձաքննություն իրականացնող մարմնի կողմից, եթե անձը ԶԶ օրենսդրությամբ սահմանված կարգով ճանաչվել է որպես հաշմանդամություն ունեցող անձ.

-անձի բժշկական քարտը՝ Աշխատանքի եւ սոցիալական հարցերի նախարարի ու Առողջապահության նախարարի համատեղ իրամանով հաստատված ձեռնի համապատասխան կամ ԶԶ կառավարության 2015 թվականի սեպտեմբերի 25-ի N 1112 -Ն որոշման N 3 հավելվածի հիվանդությունների ցանկում ներկայացված հիվանդություններով հիվանդ չլինելու հանգամանքը հիմնավորող փաստաթուղթ (փաստաթղթեր)՝ տրված համապատասխան բժշկական հաստատության (հաստատությունների) կողմից:

ԶԶ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Զաճախորդին ինամք տրամադրվում է՝ սոցիալական ծառայությունների տարածքային գործակալության պետի որոշման հիման վրա:

ԻՐԱՎՈՒՆՔ

ՀԱՐՑ. Երրորդ երկրներից ՀՀ սարածֆ ներմուծվող ծխախոտի արտադրանքի համար ներմուծման դեղինում ո՞րն է համարվում ԱԱՀ-ով հարկվող քաղաքացիություն:

Տրդատ Զունանյան (38 տարեկան)



ՊԱՏԱՍԽԱՆ.


«Ավելացված արժեքի հարկի մասին» ԶԶ օրենքի 6-րդ հոդվածի 11-րդ կետի համաձայն՝ ծխախոտի արտադրանքի ներմուծման դեպքում ԱԱՀ-ով հարկվող շրջանառությունը որոշվում է՝ հիմք ընդունելով Զայաստանի Զանրապետության կառավարության սահմանած կարգով մակնշված՝ ծխախոտի արտադրանքի առավելագույն մանրածախ գինը՝ առանց ԱԱՀ-ի:

ԶԶ պետական եկամուտների կոմիտե

«ԺՈՂՈՎՈՒՐԳ». «Ավելացված արժեքի հարկի մասին» ԶԶ օրենքի 6-րդ հոդվածի 2-րդ կետի համաձայն՝ երրորդ երկրներից ԶԶ տարածք ներմուծվող ապրանքների համար ԱԱՀ-ով հարկվող շրջանառություն է համարվում դրանց՝ օրենքով սահմանված կարգով որոշվող մաքսային արժեքի եւ գանձվող մաքսատուրքի ու ակցիզային հարկի գումարը:

ԼՈՒՐ ԿԱՐԴ

Լուսանկարը՝ համացանցից



Մեկնարկել են 2 կարտեր ավտոճանապարհային նախագծերի իրականացման աշխատանքները, որոնցով Նոր Նորք եւ Նորք-Մարաշ վարչական շրջանների մեր քաղաքացիների համար կկառուցվեն Երեւանի կենտրոնին կապող այլընտրանքային ճանապարհներ. այս մասին հայտնել են Երեւանի քաղաքապետարանից:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Զայամուկ» ՓԲԸ հեռ. 45-82-00, 45-19-11

«Զայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

Subscription form with fields for name, address, phone, and a checkbox for 'ԱՆՎՃԱՐ'.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող եք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Զասցեն՝ ք. Երեւան, Աբովյան 22՝/3, հեռ՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 12.01.2023

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: